

Pathien Thilthawtheina



Lakhâwmtu—Watson Goodman

A thlawn a sem—zawr lo ding

PATHIEN THILTHAWTHEINA

Iengti angin am mihriem thithe chitehai in eini misiemtu thilthawtheina hi hrilfie thei an ta? Annawleh ei Pathien tawp chin neilo theina hi hrilfie thei ata? Iengkim huntawktaka hrilfie chu thilthei ninaw nih, ei Pathien chu thilthawtheitak ropuitak, le nasatak ani leiin, ei ngaituona chite hin a reng hin a vawng seng naw ding leiin anih.

Mihriem tading chun thiliengkim thaw hi thiltheilo ang tluk nisienkhawm Pathien chun thiliengkim a thawtheizie ngaidan ropuitak hai hi ei Bible a hin famkimtawktakin, A lekhabu a hin ama le ama ngei a hung in puong taha. Ei khawvel hi a siema, boruoka hin ân khaitir a, Kum sang tamtak el chu iengkhawmlo a khin ân khai tira, nisienlakhawm a thilthawtheina chun a enkawl tlat anih. Mihriem le setan sietna thilthawtheina umsien khawm, ei hnuoi mamawhai ala tuok zing anih.

Tuhin Pathien thu in A thilthawtheina tawp ngailo A puongna Thlir ding thenkhathai hang lang ei tih.

—Watson Goodman (1920-2002)

A thilthawtheina chun hnuoi chu a siem a, a varna chun khawvêl chu a lo tungding ta a, a hriet-thiemnahai chun vânhai khawm chu a lo keiphar ta a; a râwl a hung insuo pha chun vânhaia tuihai chu a hung phul a.

—Jeremi 10:12

Pathien chu tu lêm hrilkhing in ta? . . . Ama chu leihnuoi inkuolkhumna chung a ̣hung chu a nih; a mithmua chun hnuoi chung a umhai chu khauhai ang chau an nih, ama chu vân khi puonin chung anga keiphar a, puonin umna ding hmuna zar a . . . Tu lêm mi hrilkhin, tu tluk ang chau am

in mi ruot ding a na? Mi Thienghlim chun a tih. Chungtienga khin in mithai hang inlên unla, khienghai khi tu siem am an na, en ta u; ama chun sipaihai khi indawt pei in a thuoisuok hlak a, an hmingin a ko seng hlak a; a hrâtna nasat lei le, thilthawtheina tienga a hrât leiin pakhat khawm kimnaw an um ngai nawh.

—Isai 40:18a, 22, 25, 26

Aw LALPA Pathien; i bân phar le i thilthawtheina ropuitak chun vân le hnuoi chu i siem a; nanga ta ding chun iengkhawm intak taluo a um naw a.

—Jeremi 32:17

2 Setanin Arasi a siem theinaw a boruoka an khaitir thei bawk nawh

A tîrin Thu a um, Thu chu Pathien kuomah a um, Thu chu Pathien a nih. . . . Iengkim a rêngin ama siem a nih; thil siem popo hi ama siem naw iengkhawm a um nawh. . . . Rûkru chu, inru ding le, sukhlum ding le sukse ding naw chun, a hung nawh; kei chu hringna an neina ding le tamtaka an neina dinga hung ka nih.

—Johan 1:1, 3; 10:10

Chun ama chun an kuomah, Kâwlinlep angin Setan vâna inthawka hung tla ka hmu.

—Luka 10:18

Ngâiven unla, fîmkhur ro; in khingpui diebol chu sakeibaknei

inrûm angin a fâk thei ding zawn-gin ân vêl ruoi hlak a nih.

—1 Peter 5:8

Chuongchun Pathien thlahai ei ni hnung chu, Pathien pangti chu rângkachak dâm, tangka dâm, lung dâm, mihriem themthiem le remruota suthai ang hi amanhi ei ti ding an nawh. —Thilthawhai 17:29

. . . nangnirâwi chu khawhrihai in inzawmpui ka nuom naw a ni hi.

—1 Korinth 10:20b

Chun Isu'n an kuomah thu a hril nâwk a, “Kei khawvêl êntu ka nih, tukhawm a mi zui chu inthimah lêng tawp naw nih; hringna var nei lem a tih,” a ta. —Johan 8:12

Pathien chun vawikhat a hril a, hihi vawi hni ka hriet tah; thilthawtheina chu Pathien ta a ni ti hi.
—Sâm 62:11

A nih, ni um china inthawk khan kei chu ama chu ka nih, chu-ongchun ka kuta inthawka san-suok thei tukhawm an um dêr nawh
—Isai 43:13a

Aw LALPA, ropuina dâm, thilthawtheina dâm, chawimawina dâm, hnena dâm, inlalna dâm i ta an na; hnuoi le vâna um popohai chu i ta an ni vawng si a; Aw LALPA, lalram chu nangma ta a na, mi popo chungah nang chu lu anga chawimawiin i um hi. Hausaknahai le inza kainahai chu nangmaa

inthawka hung suok a na, nang chun mi popo chungah ro i rêl a; nangma kuta chun thilthawtheina le hrâtna chu a um a; chun i kuta chun mi tin kuoma hrâtna pêkna ding le sukropuina ding chu a um a.
—1 Chronicle 29:11, 12

Aw LALPA PATHIEN, i siehlaw kuoma hin i ropui zie le i kut hrât-tak chun in langtir phawt chu an ta a; vâna manih, hnuoia hin amanih, i thil thaw ang le i thilthaw ropuitak ang hi thaw thei pathien tûm an um a? —Deuteronomy 3:24

Pathien thu suok hrimhrim a thlawnin a um ngai nawh, a ta.
—Luka 1:37

I thatna nasatnaa chun nangma dotuhai che chu i peithlâk a: I lunginsenna chu i tirsuok a, anni chu bupâwl angin a kânghmang a.

—Exodus 15:7

Ei LALPA chu a ropui a, thilthawthei tienga khawm hrâttak a nih, a varna chun tawpintai a nei nawh.

—Sâm 147:5

Chuongsa khawm chun ama hming leiin anni chu a sandam ta a, a thilthawtheina ropuitak chu an hriettir theina dingin.

—Sâm 106:8

Nangma chau hi LALPA i na, vânhai vânh le a sũa um popohai

le, leihnuoi le a sũa um popohai leh, tuifinriet le a sũa umhai popo leh i siem a, a rêng chun i kawl tha hlak a; chun vâna umhai chun chibai an bûk hlak che kha.

—Nehemia 9:6

Aw ka hringna, LALPA chu in-pâk rawh, aw LALPA ka Pathien, nang chu i ropui êmêm a, chawimawina le ropuinain in thuom a.

—Sâm 104:1

Ni tin in-pâk ka ti che a, i hming hi kumkhawtluongin in-pâk ka tih. LALPA chu a ropui a, ropuitaka in-pâk ding a nih, a ropuizie chu suisuok ruol an nawh. —Sâm 145:2, 3

Pathien thilthawtheina chun Kumkhawtluong a dai 5

Chuongchun Isu Krista ei Lalpa le Sandamtu chatuon rama lûtna chu an inhmudir nasa hle âwm si cheu va. —2 Peter 1:11

LALPA chu kumkhuoin ring ro; LALPA JEHOVA a chun kumkhaw lungpui chu a um si a. —Isai 26:4

Tlânghai insieng hmaa, leihnuoi le khawvêl in din hma khawm khan, chatuona inthawka chatuon chenin nang chu Pathien i nih. —Sâm 90:2

Amiruokchu LALPA chau Pathien diktak chu a na, Pathien hring chu a na, chatuon lal a nih; a lungsenna chun hnuoi chu ân thin

a, a lungawi nawna chu hnamhai chun an tuor thei nawh.

—Jeremi 10:10

Khawvêl ram chu ei Lalpa le a Krista ram a hung ni tah, ama chun chatuonin ro rêl a tih, tiin, vâna chun râwl inringtakin a hung suok ta nghâl a.

—Thupuon 11:15b

Setan thilthawtheina chu sukbohmangin um a tih

Chun anni hlêmtu Diebol chu sahrâng le zâwlnei tehlêm umna, mei le kât dila chun an pei ta a; chuongchun chatuonin a sîn a zâna nghaisakin um an tih.

—Thupuon 20:10

Chun Mosie chun tuipui chung a chun a kut a phar a, chun LALPA chun sak thli hrâttak zânkhawva-ra hrângin tuipui chu an luong kîr-tir a, tuipui chu ram òâwlah a siem a, tuihai chu an in òhe ta a. Chun Israel thlahai chu tuipui inkâra chun hnuoi hulah an fe ta a; chun tuihai chu an changtieng le an va-witieng bang angin a um a. . . . Chun LALPA chun Mosie kuomah, Tuipui chungah i kut kha phar rawh, Aigupta mihai le, an sakawr tawlwailir hai le, an sakawr chung chuong mihai chung a tui chu a hung luongna dingin, a ta. Chun Mosie chun tuipui chung a chun a kut chu a phar a, zîngkâr a hung

ni chun tuipui chu a luong pang-ngaiin a hung luong nâwk ta a; Aigupta mihai chu an tlânse ta a; chun LALPA chun Aigupta mihai chu tuipuia chun a peithlâk ta a. Chun tui chu a kîr nawk a, sakawr tawlwailirhai le, sakawr chung chuong mihai le, Pharao sipai ruol, an hnunga hung hnawttuhai ngei chu ân khum ta vawng a, pakhat khawm chu hlain an um ta naw a. . . . Chuongchun chu ni chun LALPAIN Israelhai chu Aigupta mihai kuta inthawkin a sanhim ta a, vadung pang sîr vêla Aigupta mi thihai khawm chu Israelhai chun an hmu a.

—Exodus 14:21, 22, 26-28, 30

***Maktaduoi khat
kum 40 a
châwma***

Zântieng chun sa fâng in ta, chun zîngtieng chun beia suk-khawp nîng in tih, chun LALPA in Pathien chu ka ni ti hrieng in tih, ti rawh, tiin. Chun zântieng chun hienghi a na, vamimhai an hung suok a, riebûk chu a tuomin an hung tuom ta a: zîngkâr ruok chun riebûk vêla chun daidaw a kûrtuk el a. Chun daidaw kûr tuk chu a hul hnung chun, ngai ta, thil inhlûm chi tete, hnuoi chungah vûr tlangang bang biel hi thlalêr chung popova chun a um ta a. Chun Israel thlahaiin an hmu

phing chun, ieng am a ni an hriet si naw a, Ieng am a na? an inti tâwl a. . . . Israel thlahai chun mi umnä ram an hung tlung hma-khat chu kum sâwmli sùng chu manna chu an fâk ta a. . . .

—Exodus 16:12b-15a, 35a

Vadung lêl lai a suktawp taha

Chun LALPA thuthlung bâwm zâwntu thiempuhai chu Jordan vadung laia chun, hnuoi hulah an ngîr zing a; chun mipui popo chu Jordan vadung chu an kai fai vawng chenin Israelhai popo chu hnuoi hula chun an fe kai ta vawng a.

—Josua 3:17

Chun chuong mihai chu an ke-kawrhai, an lukâwmhai, an kawrfuolhai le an silfên danghaia chun khuopa umin, mei chawklai râp-thlâktaka peiin an um ta a. Chuongchun lal thupêk chu a nasa êm a, meipui chu a lum kher lei chun meichawk chun Sadrak hai, Mesak hai, Abednego hai peilûttuhai chu a sukhlum ta a. . . . Chun biel awptuhai le, ram awptuhai le, sipai hotuhai, le lal rorêltuhai hung inkhâwmhai chun chuong mihai chu an taksahai chung a chun meihin thilthawtheina a nei naw a, an lua sam khawm chu a kângkin naw a an zakuohai khawm chu a danglam chuong nawh a, anni chu

mei rim khawm an innam nawh ti chu an hmu a. —Daniel 3:21, 22, 27

Chun lal chun thu a pêk a, Daniel chu an hung t̄thuoi a, Sakeibakneihai pûka chun an peilût ta a. Chun lal chun a hril a, Daniel kuoma chun I Pathien a rawng i bâwl zing hlak chun sansuok a ti che, a ta. . . . Chun Daniel chun, lal kuoma chun, Aw lalpa, kumkhuoin dam rawh. Ka Pathien chun a vântirko a hung tir a, sakeibakneihai bau chu a hung sukchîp a, an mi sukna hrimhrim nawh; a hmaa chun keimaa indiknawna umlo chu hmuin a um a; aw lalpa, nanga hmaa khawm iengkhawm ka suk-pawi nawh, a ta. —Daniel 6:16, 21, 22

Ka thu chu mei ang a ni nâwm a nih? tubau lungpui khawm sukna-witu ang chu? LALPA chun a tih.

—Jeremi 23:29

Pathien thu hi a hring a, thil a thaw thei a, kâwlhnâm ngeituo iengang nêk khawmin a ngei a, hringna le thlarau, rulechâng le thlin kawi dar khawp hielin a sun thei a, lungrila ngaituo le tumhai hi a hriet ngâh thei a nih.

—Hebrai 4:12

Chun sandamna lukhum le Thlarau ngûn hnâm (Pathien Thu chu) la un la, ẵwnẵaina le hnina tinrêngin.

—Ephesi 6:17

Tleirâwlin iengtin am a um dân sukthieng thei a ta? I thu ang peia a um dân chu vêng ẵhain.

—Sâm 119:9

In kuoma ka thu hril lei chun tukhawm hin in inthieng ta pang a nih.

—Johan 15:3

Anni chu thutakin sukthieng rawh, i thu chu thutak a nih.

—Johan 17:17

... hringna thu inhlanin ...

—Philippi 2:15b

Chuongchun Isu'n a ringtu Judahai kuoma chun, Ka thua in um zing chun, ka ẵthuoihruoihai ni taktak in tih.

—Johan 8:31

Amaa chun Pathien famkimna
tinrêng chu taksa neiin a um zing
si a. —Kolossa 2:9

Ngai ta, nunghâk inthieng chu
inrai a ta, naupasal nei a ta; a
hming dingin Imanuel sak an tih,
tia a hril kha a hung tlung theina
dingin chuong popo chu a hung
um a nih. (Immanuel chu Ei kuomah
Pathien a um tina a nih). Chuong-
chun Josefa chu a in a tho phing
chun Lalpa vântirkovin a kuoma
thu a pêk ang chun a thaw a; a
nuhmei chu a nei ta a; nisienlak-
hawm naupasal a nei hmakhat
chu a pawl naw a; chun a hming
chu ISU a sak ta a.

—Matthai 1:23-25

Nisienlakhawm Isu'n anni chu a
biek a, an kuomah, Ka Pa'n tu
chen khawm hin sin a thaw a, kei
khawmin ka thaw a nih, a ta. Chu-
ongchun Judahaiin sukhlum an
tum nâwk zuol a, Châwlni a baw-
siet lei chau khawm an naw a, Pa-
thien a paah ân bûk a, Pathien tlu-
ka ân siem lei khawmin a nih.

—Johan 5:17, 18

Krista Thisen chu Pathien thisen a nih

Pathien kohranhai, ama thisena
a inchâwkhai chu, châwm dingin,
nangni le inrâwihai popo chung
chun fîmkhur ro, Thlarau Thieng-
hlimin an chung a hotuin a siem
cheu hi. —Thilthawhai 20:28

Isu Krista, . . . inthawka . . . Kei Alpha le Omega ka nih, Lalpa Pathien um zing le um ta le hung um ding, Iengkim-thawthei chun a ti a nih.
—Thupuon 1:5a, 8

Ama chun thim thuneinaa inthawka mi sansuokin, a Naupa hmangaitak rama chun a mîn kai tir ta a; amaa chun ei intlanna ei hmu a nih—ei suolhai ngâidamna chu. Ama chu hmu theinaw Pathien angpui, thil siemhai popo laia insieng hmasatak a na; amaa chun iengkim siem a ni si a; vâna umhai, hnuoia umhai leh, hmu theilo le hmu theihai le chun, lalthungphahai, rorêlnahai, inlalnahai, thuneinahai khawm, iengkim

ama siem a na, ama ta ding bawka siem a nih.
—Kolossa 1:13-16

Ei Lal Isu hung inlâr nâwk hmakhat chu thupêk kha sawisêlbo le thienghlimtaka pawm dingin. Chu inlârna chu a hun taka chun inpâktlâk thuneitu tak chau, laltakhai laltak, lalhai lal chun inentir a ti che; ama chau chun thitheinawna a nei a, . . . ama kuoma chun chatuona châwimâwina le thilthawtheina chu um raw se.
Amen.
—1 Timothe 6:14-16

Puon, thisen kai a sila, a hminga chu, Pathien Thu, an tih. Chun a puona le a êlpuia chun, Lalhai Lal le Hotuhai Hotu, tia hming ziek a um.
—Thupuon 19:13, 16

Tukhawm a mi hmu chu a mi
tirtu hmu a nih. —Johan 12:45

Ama chun a Pathien ropuina
var le, a tak angpui ngêi leh, ama
thilthawtheina thua iengkim
tungdingtu niin, suolhai a sukthi-
eng hnungin chung tienga Ropui-
tak changtienga khin a hang
thung a. —Hebrai 1:3

A thahrui hrâtna thaw zie ang
peia keini a ringtuhai tienga a thil-
thawtheina lien nasa; Krista
chung a thaw—mithi laia in-
thawka a keitho lai le, inlalna
dâm, thuneina dâm, thilthawthei-
na dâm, rorêlna popo dâm, hi
khawvêla chau ni lova, khawvêl la

hung tlung ding khawma hming
sak tinrênghai chung daia vân
hmunahai a changtienga ân
thungtir laia kha. Chun thil tin-
rêng a ke hnuoiah a sie a
—Ephesi 1:19-22a

Kei le Pa chu pumkhat kan nih,
tiin, a dawn a . . . Amiruokchu
thaw ka ni chun, kei mi ring naw
unla khawm, a sinthawhai bêk hi
ring ro; Pa keimaah a um ti le, kei
Paah ka um ti in hriet a, in ringna
dingin, a ta, a dawn a.
—Johan 10:30, 38

Chun Mihriem Naupa a ni leiin
a kuomah rorêl ding thu a pêk.
—Johan 5:27

Thlarau Thienghlim thilthawtheina rapthlak chu 13

***Ama chu a nasa a, Pathien
lu nina a chun***

Inhriettirtu chu Thlarau hi a
nih, Thlarau chu thutak a ni leiin.
—1 Johan 5:7

Nisienlakhawm Peterin, Anani,
Thlarau Thienghlim hlêm ding le,
hnuoi man a then ip dingin ieng-
dinga Setanin i lungril a suksip
am a na? Zawr loa a um sâng po
khan i ta a ni zing a ni naw'm a
nih? Zawr hnung khawm khan i
thuthuin a um naw am a nih?
Iengdinga hieng thu hi lungrila i
ngâituo am a na? Mihriem hlêm in
naw a, Pathien hlêm i ni lem, a ta.
Chun Anani chun chuong thu chu

a hriet phingleh a tlu a, a thi ta a;
chun, a hre taphawt chu namênin
an ți naw a. —Thilthawhai 5:3-5

***Ringtuhai a suksipa, Huoina
a pêka***

Chun an ẵawngẵai zo chun an
umna in chu a hung inhning a, an
rêngin Thlarau Thienghlimin an
hung sip a, huoitakin Pathien thu
an hril ta a. —Thilthawhai 4:31

Pathien hmangaina a sem dara

Chun Thlarau Thienghlim ei
kuoma a mi pêk khan Pathien
hmangaina chu ei lungrilah a
hung buok ta leiin beiseina chun a
sukmuolpho naw a. —Rom 5:5

Chuongchun amaa Pathien kuoma hunghai chu a tâwpkhâwk chenin a sandam thei bawk a nih; anni tawngtai pêk dingin chatuona a hring zing leiin. —Hebrai 7:25

Chuongchun in tlûk nawna dinga vêng thei cheu le, a ropuina hmaa nasataka hlimin, sâwisêlbova sie theitu cheu. —Juda 24

Chuleichun a nih, hieng thilhai khawm hi ka tuor chuh; nisienlakhawm kân zak nawh, ka ring chu ka hriet a, a kuoma ka inkawltir chu chu nia ding chun a vawng tha thei ti chiengtakin ka hriet bawk a. —2 Timothe 1:12

Chun Pathienin lunginsietna tinrêng in chungah a vûr thei a

nih; chuongchun nangnin iengkimah a hun zet nei rawpin, sin thaw tha tinrênga dingin hau thei in tih. —2 Korinth 9:8

Chuongchun sim hming put tâkin ra ro, Abraham kan thlatu a nih annâwm tiin inngâituo naw ro; ka ti cheu hi, Pathienin hieng lunghai hi Abraham thlaahai ân ngîrtir thei a nih. —Luka 3:8

Abrahama . . . nisienlakhawm ringna tlasamin Pathien thutiem chu a ringhla chuong naw a, Pathien a châwimâwi a, a thutiem chu an hlawtling tir thei ti a ringhle bawk a, a ringna chu a hungnhet lem ta a. —Rom 4:16c, 20, 21

Tuhin, kei Nebukadnezar hin vâna Pathien chu ka chawima-wiin, ka chawisângin kân pâk a; a sinthawhai popo chu indikna a na, a lampuihai chu felna a nih; chun chapova fehài chu a sukhnuoi thei a nih, tiin.
—Daniel 4:37

Chuong chu a ni ding chun, kan Pathien a rawng kan bâwl chun meipui chawklai râpthlâktaka inthawk chun a mi sanhim thei a; aw lalpa, i kuta inthawk khawmin a mi sanhim thei a nih. . . . Chun Nebukadnezar chu meipui chawklai râpthlâktak bula chun a hung hnai a, Sadrak, Mesak, Abednego, nangni Pathien Chunghnungtak siehlawhai, hung suok unla, hi

tieng hin hung ro, a ta, a biek a. . . . chuong mihai chu an taksahai chung a chun meiin thilthawtheina a nei naw a, an lua sam khawm chu a kângkin naw a an zakuohai khawm chu a danglam chuong nawh a, anni chu mei rim khawm an innam nawh ti chu an hmu a.
—Daniel 3:17, 26a, 27b

Ama ngei chun thlêmna tuokin a lo tuor ta leiin, thlêmna tuorhai chu a thangpui thei a nih.
—Hebrai 2:18

Thina chung a thilthawtheina
Pathienin mithi laia inthawkin a keitho thei ti hrein.
—Hebrai 11:19a

Krista Isua ringna um lei chun sandamna hmu khawpa sukvar thei che, Lekha thienghlim chu, i naupang laia inthawka hre tah i ni kha.

—2 Timothe 3:15

Mi dang siehlaw sawisêltu chu tu am in leh? a ngir le a tlûk chu ama hotupa ta ding a nih. Nisien-lakhawm ama chu inngirtirin um a tih, Lalpa chun ân ngirtir thei si a.

—Rom 14:4

Chuongchun einia thaw hlak thil thawtheina ang peiin, ei hni le ei ngaituo popo nêka nasa lema thaw theitu kuoma ngei chun, chatuonin, suon popo chenin koh-

ranhaia le Krista Isua chun ro-puina um raw se. Amen.

—Ephesi 3:20, 21

Tuhin Pathien le a lunginsietna thu in kuomah kân kâwltir cheu, chu chun siem lienin, mithien-ghlimhai lai chanvo ân neitir thei baw k cheu.

—Thilthawhai 20:32

Anleh, Pathienin a mihai chu a peithlâk am a nih? Kei khawm Israel mi, Abraham thla, Benjamin hnam ka ni si a. . . . Chun anni khawm chu âwi lova an um zing naw chun zawmin um an tih; Pathienin anni a zawm nawk thei si a.

—Rom 11:1, 23

LALPA, nanging rîtlonahai in chik chun, aw LALPA, tu am ngîr thei an ta? Nisienlakhawm i kuoma ngaidamna a um a nih, tia i um theina dingin. —Sâm 130:3, 4

Ka mihai, ka hming chawia kohai chu an insukhnuoi a, an tawng-tai a, an lampui rilohai chu nghat-sana ka hmêl an hung zawng chun, vâna inthawk chun lo hrieng ka ta, an suol chu ngaidam ka ta, an ram khawm chu suk hrisel bawka tih. —2 Chronicles 7:14

Zeng kuoma chun, I suol ngâidam a ni tah, ti le, I khum la la, kein fe ta rawh, ti hi a ieng am hril a awl lem a? Iengkhawm nisienla,

khawvêla hin, Mihriem Naupa'n suol ngâidam theina a nei ti in hrietna dingin, (zeng kuoma chun), Tho la, i khum châwi la, i inah fe ta rawh, ka ti che a nih, a ta. Chuongchun ama chu a thova, a khum chu a lâk a, an rênga mithmu ngêi chun a suok ta a; chuongchun an rêngin mak an ti hle a, Hieng ang hrimhrim hi ei la hmu ngâi nawh, ti'n Pathien an inpâk ta a.

—Marka 2:9-12

Chun Mihriem Naupa sawisêl chu an sawisêlna chu ngâidam pêk ning a tih; Thlarau Thienghlim meu hrilse ruok chu ngâidam ni naw nih.

—Luka 12:10

Chuleichun tukhawm Kristaa a um chun thil siem thar a hung ni ta a; thil hluihai chu a bo ta a, ngâi ta u, a hung thar nawk tah.

—2 Korinth 5:17

Hring taphawtin a mi ring chu kumkhuoin thi naw nih; chu thu chu i ring am? a ta.

—Johan 11:26

Chuongchun sukthat famkima hung umin a thu awi popohai ta dingin chatuona sandamna bulpui a hung ni ta a.

—Hebrai 5:9

Suol chun thinain ro a rêl angin, lunginsietna chun, felnain ei Lalpa Isu Krista zârah kumkhaw hringna ro a rêl theina dingin.

—Rom 5:21

Nisienlakhawm a mi sandamtu Isu Krista inlârna leiin, tuhin suklangin a um tah. Ama chun thina chu sukboin, Chanchin Thain hringna le bohmangetheinawna a suklang tah.

—2 Timothe 1:10

Keini hringa la umhai hi, Isu leia thi dingin inmantirin kan um rawp a, Isu hringna khawm kan taksa thi theia hin ân lang theina dingin.

—2 Korinth 4:11

Rûkru chu, inru ding le, suhlum ding le sukse ding naw chun, a hung nawh; kei chu hringna an neina ding le tamtaka an neina dinga hung ka nih.

—Johan 10:10

Chun nuhmei pakhat kum sâwm le kum hni thi putin a dam naw a, a sum nei popo daktawrhaw kuomah a sukthâm zo ta a, tukhawmin an sukdam thei ta si nawh; ama chu a hnungah a hung a, a puon hmawr a them a, kârlovin a thipût chu a bo ta nghâl a.

—Luka 8:43, 44

Chun hienghi a na, chuonglai-chun, ni khat chu, ân chûktir a. Chun a kâwlah Pharisaihai le dân hretuhai thungin an um a, chuonghai chu Judai ram khaw tina inthawk le Jerusalem khuoa inthawka hung suok an na; chun mi sukdamna dingin Lalpa thilthawtheina chu a kuomah a um a. Chun

khaw chinahai dâm, khaw lienahai dâm, lovahai dâm, khawlâikhawm a lûtna taphawta chun damnawhai chu dawr hmuna dâm an inzâltir tâwl a; a puon hmawr bêk them thei an hni a, chuongchun ama them po chu an dam ta pei a.

—Luka 5:17, Marka 6:56

Chun zântieng a hung ni chun, a kuomah khawhri manhai tamtak an hung thuoî a; chun thuin khawhrihai chu a hnawt dawk a, damnaw popo chu a sukdam bawka: zawlnei Isaiin, Ama ngeiin ei hrâtnawnahai a lâk a, ei natnahai a phur a, tia, a hril kha a hung tlung theina dingin.

—Matthai 8:16, 17

Ka nuom, lo inthieng ta rawh, a ta. Chun kârlovin a phâr chu a lo inthieng nghâl ta a.

—Matthai 8:3

Chun a chungah a kut ân nghat a; chuongchun, kârlovin a ngîr tlûn nghâl ta a, Pathien ân pâk ta a.

—Luka 13:13

Chun chuonglai tak chun Isu'n, damnaw tamtak, hripui invawihai, khawhri manhai a sukdam a, mitdel tamtak khawm an mit a sukvar a.

—Luka 7:21

Chun khaw pakhata a lût dingin, phâr sâwmin an intuokpui a; ... Chun ama chun anni chu a hang hmu chun, Thiempuhai kuo-

mah vân entir ro, a ta. Chun hienghi a na, an fe lai chun an hung inthieng tâwl ta a.

—Luka 17:12, 14

Chun Isu chu Peter inah a lût chun Peter tarpinu chu khawsika zâlin a hmu a. Chuongchun a kut chu a them a, a khawsik chu a rê ta a; chun a thova a rawng a bawl pêk ta a.

—Matthai 8:14, 15

Chun anni laia tuin amanih thiempu laltak suok chu a sât a, a nakâwr chang tieng a sât thlâk pêk a. Chun Isu'n . . . a nakâwr chu a them a, a sukdam ta a.

—Luka 22:50, 51

Chun inah a lût chun, mitdelhai chu a kuomah an hung a; chun Isu'n an kuomah, Hihi thaw thei dingin in mi ring am? a ta. Anni chun, a kuomah, Ring e, Lalpa, an ta, chuongchun ama chun an mit a them a, In ring angin in chungah tlung raw se, a ta. Chuongchun an mit chu a hung var ta a.

—Matthai 9:28, 29

Chu phingleh, chu mipa kuoma chun I kut phar rawh, a ta. Chuongchun a phar a, a khing tieng angin a dam ta var a.

—Matthai 12:13

Chun Kapernaum khuo a lûtin, a kuomah sipaizahotu a hung a, Lalpa, ka suokpa a zeng a, inah a

zâl zingel, nasataka suknotin a um a nih, tiin, ðhangpuina a ngên a. Chun ama chun, a kuomah, Hung ka ta, sukdam ka tih, a ta. . . . Chun Isu'n sipaizahotu kuoma chun, Fe ta rawh, i ring angin i chungah hung tlung raw se, a ta. Chuongchun suokpa chu chu dâr a chun a lo dam ta a.

—Matthai 8:5-7, 13

Chun chutaka chun kum sâwm thum le kum riet natna nei mi tu amanih a um a. . . . Chun Isu'n a kuomah, Tho la, I puonpha la la, kein lâwn ta rawh, a ta. Chun kâr-lovin ama chu a dam ta nghâl a, a puonpha a lâk a, a fe ta a.

—Johan 5:5, 8, 9

Nangni lai damnaw an um am?
 Kohran upa inkotir sien la, ...
 chun ringnaa ṭawngṭaina chun
 damnaw chu sukdam a ta, Lalpa
 chun ama chu keitho a tih

—Jakob 5:14a, 15a

Chun Isu'n an inkhawmna inahai
 inchûktirin, ram Chanchin
 Tha chu hrilin mihai laia natna
 tinrêng le hratnawna tinrêng
 sukdamin Galili ram popo a fang
 pei a.

—Matthai 4:23

... Chuonghai chu a thu ngâi
 nuom le an natnahai sukdam nuom
 in an hung a; Chuongchun khawhri
 inthiengnaw sawisakhai
 khawm an hung dam ta a. Chun a

kuoma inthawka thilthawtheina
 suoka mi tin a sukdam pei leiin,
 mipui popo chun ama them an
 tum a.

—Luka 6:17b-19

Chun a puon hmawr bêk them
 thei an hni a; chun a them tap-
 hawt chu an hung dam ta pei a.

—Matthai 14:36

Chun mipui nasa tak, kebâihai,
 mitdelhai, ṭawngtheinawhai, pi-
 engsuolhai hung ṭhuoiin a kuo-
 mah an hung a, a ke bulah an sie a;
 chun a lo sukdam tâwl a.

—Matthai 15:30

Chun mipui nasa takin an zui a;
 chutakachun anni chu a sukdam
 ta a.

—Matthai 19:2

Chun Isu'n khawhri chu a hal a,
a sũaga inthawk chun a suok ta a;
chu dâr chena inthawk chu nau-
pang chu a hung dam ta a.

—Matthai 17:18

Chun khawhrihai khawm, Pa-
thien Naupa i nih, tia khêkin, mi
tamtak sũaga inthawkin an hung
suok a. Chun anni a hal a, Krista a
nih ti an hriet leiin an ẵwng a
phal naw a.

—Luka 4:41

Chun râlkhing tieng Gadarin
mihai ram chu a tlungin, khawhri
man pahni, thlâna inthawka hung
suokin, an hung intuokpui a; an
hrâng êm leiin chu lampuia chun
tukhawm an fe thei naw a. Chun
ngai ta, anni chun, Pathien Naupa,

nang le keini iengam ei inzawl-na?
A hun hma'n a mi sawisa dingin
hitaka'n i hung a ni maw? tiin, an
khêk a. Chun an kâwla inthawka
hla reia chun vawk ruol tamtak an
tla a. Chun khawhrihai chun, I mi
hnawtdawk chun vawk ruol sũa-
gahai sawn mîn fe tir rawh, tiin, a
kuomah an ngên a. Chun ama
chun, an kuomah, Fe ro, a ta.

—Matthai 8:28-32a

Chulaichun mitdel ẵwngthei-
naw khawhri man pakhat a
kuomah an hung ẵuoi a; chun
ama chun a lo sukdam a, chuong-
chun ẵwngtheinaw chu a hung
ẵwng theiin, a hung hmu thei ta
a.

—Matthai 12:22

Chun a va hnai a, hlâng chu a them a; chuongchun a zâwntuhai chu ân ngîr tir a. Chun, Tlangvâl, tho rawh ka ti che hi, a ta. Chun mithi chu a ðhung dawh a, a hung ðawng ta a. Chun Isu'n a nu kuomah a pêk ta a. —Luka 7:14, 15

Isu'n a kuomah, I ðapa thonâwk a tih, a ta. Martha chun, a kuomah, Nikinnia, thonâwknaa chun, thonâwk a tih ti ka hriet, a ta. Chun Isu'n a kuomah, Kei hi thonâwkna le hringna chu ka nih; tukhawm a mi ring chu thi sienlakhawm hring zing a tih . . . Chun chuonga a ðawng zo phing chun râwl inringtakin, Lazar, hung

suok rawh, a ta, a khêk a. Chun mithi chu a kut a ke thlân puona tuom pumin a hung suok ta a, a hmâi chu inhrûkna puona tuom a nih, Isu'n an kuomah, Sût unla, in fetir ro, a ta.

—Johan 11:23-25, 43, 44

A la ðawng zing laiin inkhâwmna in hotu ina inthawk chun mi pakhat a hung a, I naunu a thi tah, Hotupa suksâwl nuom naw, a ta. . . . Isu ruok chun a kut a chel a, Tawinu tho rawh, a ta, a kova. Chun a thlarau chu a hungkîr nâwk a, a tho ta nghâl a; chun iengkhat fâk ding pe dingin thu a pêk a. —Luka 8:49, 54, 55

Titakzetin, titakzetin ka hril
cheu hi, a hun a tlung ding an tah,
tukhawm hin a tlung mêk tah, chu
pha chun mithihaiin Pathien Nau-
pa râwl hrieng an ta, a hre tap-
hawt hring an tih. —Johan 5:25

Chun hihi ka Pa ditzâwng a nih,
tukhawm, Nau hmua ring ta-
phawt chun chatuona hringna nei
hai sien la; chun keiin nikinnia
chun ama chu keitho ka tih, a ta.
—Johan 6:40

Hienghi mak ti naw ro, a hun a
tlung ding an tah, chu pha chun
thlâna um popovin a râwl hrieng
an ta, suok vawng an tih . . . tho-
nâwk an ta . . . —Johan 5:28, 29a

Chun mifel le felnaw thonâwk-

na um a tih ti Pathien tieng ka
beisei a, hienghai khawm hin chu-
chu an ring ve bawk si.

—Thilthawhai 24:15

Lalpa Isu keithotu chun; keini
khawm Isu kuomah a mi keitho ve
ding a na; nangni leh a min ngîrtir
ding a nih ti kan hriet si a.

—2 Korinth 4:14

Lalpa ngêi chu khêkri leh vân-
tirko chunghnungtak râwl leh,
Pathien tawtawrâwt ri leh, vâna
inthawkin a hung tum ding a ni si
a.

—1 Thessalonika 4:16

Nisienlakhawm Krista chu mi-
thi laia inthawkin keithovin a um
takzet a nih, a inhai tho hmaṭhuoi-
tu a lo ni tah. —1 Korinth 15:20

Chuongchun Isu chu an kuomah a hung a, anni râwi chu a biek a, Hnuoi le vâna thuneina popo ka kuomah pêk a ni tah.

—Matthai 28:18

Amaa a thil hmu thei lo (a cha-tuon thilthawtheina le a Pathien ni zie chu) leihnuoi siem tîra inthawkin chiengtaka hmuin a um ti a thil siema chun ân lang a nih; chuleichun suonlam ding an nei nawh.

—Rom 1:20

Vântirkohai dâm, thuneina dâm, thilthawtheina dâm, ama thu thua inumtirin a um. —1 Peter 3:22

Chuongchun Krista kuomah keithovin in um ve ta chun, chung tieng, Pathien changtienga t̃hung

Krista umnaa thil umhai chu zawng ro. —Kolossa 3:1

Chung tienga hung chu mi popo nêka chungnungtak a nih; hnuoia pieng chu hnuoia mi a nih, hnuoi thu a hril hlak, vâna inthawka hung chu mi popo nêka chungnungtak a nih.

—Johan 3:31

Mithienghlim, mi indiktak, Davida chabi nei, tu khâr lo dinga hawnga, tu hawng lo dinga khârtu khan, hieng thu hi a hril a nih.

—Thupuon 3:7b

Ama ropuina le t̃hatna zâra a mi kotu, a chanchin hriet leiin a Pathien thilthawtheinain hringna le Pathien ngaisakna kawnga chun thil popo a mi pêk si a. —2 Peter 1:3

Thiliengkim hrietna

Nisienlakhawm nang dilah va fe la, ngakuoi inchie la, nga hung suok hmasa chu man rawh; chun a bau i keika phingleh tangka pahni hmûng i tih; chuchu lala, kei le nanga ta dingin an kuomah pe rawh, chuongnawchun anni chu suklungawi naw rawi ei tih, a ta.

—Matthai 17:27

Mi popo a hrieta, mihriem thu tukhawm hril a ngâi naw leiin; ama chun mihriem sûnga um chu a hriet si a.

—Johan 2:25

Mak taka mipui 5,000 vai

Chun anni chun, a kuomah, A

hin beiphêk panga le nga pahni chau kan nei a nih, an ta. Chun ama chun, A hin ka kuomah hung chawi ro, a ta. Chun hlo chung a ðhung dingin mipui chu thu a pêk a, beiphêk panga le nga pahni chu a lâk a, vân tieng enin mal a sâwm a, a khawi a beiphêk pangahai chu ðthuoihruoihai kuomah a pêk a; chun ðthuoihruoihai chun mipuihai kuoma chun an pêk a. Chun an rêngin an fâka, an khawp tâwl ta a; an fâk mahla nawi khawm chu parbâwm sâwm le pahni an rût sip a. A fatuhai chu nuhmei le nau-pang tiem lovin, patling ruok khawm sâng nga rau an nih.

—Matthai 14:17-21

Tuichunga lawn

Chun vârtien tâwmin dîl chunga kea lâwnin an kuom tieng a hung pan a. —Matthai 14:25

Ruosur po po suktawp

Chun tûkhawmin anni chu suknat tum ang sien, chuongang bawka sukhumin an um ding a nih. Chuonghai chun an thu hril sêng po ruo sôr naw dinga vân khâr theina an nei a; an nuom phaphaa thisena inchantir dingin tuihai chungah thu an nei a, khawvêl hi hremna tinrênga hrem dingin thu an nei bawk a. —Thupoun 11:6

Tuifawn le thlipui suk re

Chun ama chun an kuomah, Ringna tlâwmhai, iengdinga in

ti'm? a ta. Chuongchun a thova, thli le tuipui chu a hal a, chun a hung dei ta t̃huop el a.

—Matthai 8:26

Banghai fetlenga lawn

Chun ni riet hnungah, a t̃huoi-hruoihai chu in sêngah an um nâwk a, Thoma khawm an kuomah a um ve a. Chun Isu a hung a, kawthai chu khâr a ni si a, anni lai a hung ngîr ta a, an kuomah . . .

—Johan 20:26

Khawvel popo keikhawm dingin

. . . iengkim ama siem a na, ama ta ding bawka siem a nih; chun ama chu iengkim um hmain a um a, amaa chun iengkim tungding in a um bawk a nih. —Kolossa 1:16b, 17

Krista chu mithi laia inthawka keithovin a um a, a thi nâwk ta naw ding a nih ti ei hriet si a; thina chun ama chungah thu a nei ta nawh.

—Rom 6:9

Nisienlakhawm mithi laia inthawka Isu keitho nâwktu Thlarau kha nangniah a um chun, mithi laia inthawka Krista Isu keitho nâwktu khan nangnia um Thlarau zâra chun, in taksa thi theihai chu sukhring bawk a tih.

—Rom 8:11

Leihnuoi popohai, Pathien chawimawiin hlimtakin khêk ro. A hming ropui zie chu hlain sak suok unla; ama inpâkna chu sukropui ro. Pathien kuomah, I thilthawhai

chu a va râpthlâk de! I thilthawtheina nasat zie leiin i hmêlmahai chu i kuomah intuklût an tih. Leihnuoi popohai hin chibai bûk an ti che a, nangma inpâkin hla sak an ta, i hming inpâkin hla sak an tih, ti ro.

—Sâm 66:1-4

A lalrama thuneina

Pathien ram chu thua a um nawh a, thilthawtheinaah a um lem a nih.

—1 Korinth 4:20

Chuongchun Berâmtê chu do an ta, amiruokchu Berâmtê chu Hotuhai Hotu le lalhai Lal a ni leiin anni chu hnêng a tih; chun, a kuoma um, kohai, thlanghai, ringumhai chun hne bawk a tih, a ti a.

—Thupuon 17:14

Hringmi popo chung a thuneina

Khânga mi popo chung a thuneia i siem khan, a kuoma i pêkhai po chu chatuona hringna a pêk theina dingin. —Johan 17:2

A thi huna lirin hningna

Chun Isu chu râwl inringtakin a khêk nâwk a, a thlarau ân thla ta a. . . . chun simkhawlei dam ân hnîng a, . . . —Matthai 27:50, 51b

***Ama ngei hringa keithonaw
dingin***

Hi lei hin Pa'n a mi hmangai a nih, lâk nâwk dinga ka hringna ka pêk ding leiin. Tukhawmin mi lâk-pêk naw ni hai, keima thuthuin ka pêk lem ding a nih, pe thei ka nih, la nâwk thei khawm ka nih.

Hi thupêk hi ka Pa kuoma inthawka ka hmu a nih, a ta.

—Johan 10:17, 18

Van ropuina a hung elvar dingin

An hmaa chun a hmêl umzie chu a hung danglam ta a; a hmai nisa angin a hung var a; a silfên hai chu vûr angin a hung vâ ta a.

—Matthai 17:2

***Ropuina le thilthawtheina
a hung kirnawk dingin***

Isu'n, a kuomah, Ni e. Nisien-lakhawm ka hril che, hi hnungleh Mihriem Naupa hi thilthawtheina chang tienga t̃hunga, vâ s̃um chung a hung in la hmu ding a nih, a ta.

—Matthai 26:64

Suolhai ngaidam dingin

Iengkhawm ni sienla khawvêlah
Mihriem Naupa hin suol ngaidam
theina a nei ti in hrietna dingin, a
ta, zeng kuoma chun Tho la, i
khum lala, i inah fe rawh, a ta.

—Matthai 9:6

Chatuon hringna pedingin

Ka berâmhaiin ka râwl an hriet
hlak, kei khawmin anni chu ka
hriet, anni chun an mi zui hlak; an
kuomah chatuona hringna ka pêk
a; kumkhuoin bohman naw ni hai
a, tukhawmin ka kuta inthawkin
mi lâkpêk bawk naw ni hai.

—Johan 10:27, 28

Mi tukhawm intlan dingin

Ama hmingin simna thu le suol

ngâidamna thu Jerusalema in-
thawkin hnam tin kuomah hril an
tih, tiin.

—Luka 24:47

Thlarauhai sukthienghlim dingin

Awi ding le Isu Krista thisen
thedar dawng dinga Thlarau suk-
hran

—1 Peter 1:2a

Hnetu ah mihai siem dingin

Lalpa chun suolna popova in-
thawkin mi sansuok a ta, a vân
rama chun himtakin mîn tlun a
tih

—2 Timothe 4:18a

Ringna a mihai venghim dingin

In ringna chu mihriem varnaah
inngat lova, Pathien thilthaw-
theinaa inngata a um lemna din-
gin.

—1 Korinth 2:5

Chuleichun Pathienin ama chu nasatakin a châwimâwi ve thung ta a, hming popova hming chung-hnungtak chu a pêk tah; Isu hminga mi tin—vâna mihai, hnuoia mihai . . . an dingthãthuonna ding . . . in —Philippi 2:9, 10a

Nisienlakhawm hienghaihi, Isu chu, Krista, Pathien Naupa a ni ti in ringna ding le, in ring a, a hminga hringna in neina dinga ziek a nih. —Johan 20:31

. . . Inchûktirtu, tuin amanih i hminga khawhrihai a hnawtdawk kan hmu a, a mi zui ve naw leiin kan khap el annaw, a ta. Isu ruok chun, Khap ta naw ro, tukhawm

ka hminga thilmak thaw si a, a mi hrilse thei an um naw a nih.

—Marka 9:38b, 39

Chun keia hmingin iengkhawm in hni taphawt chu, thaw pei ka tih, Pa, Naupa leia châwimâwia a um theina dingin. —Johan 14:13

Nisienlakhawm Peterin, Tangka le rângkachak iengkhawm ka nei nawh; nisienlakhawm ka nei sun pêng ka ti che; Nazaret Isu Krista hmingin kein lâwn ta rawh, a ta. Chun a kut chang tieng a chel a, a keitho ta a; chun, kârlovin a kehai le a kemit ruhai chu a hung hrât ta nghâl a.

—Thilthawhai 3:6, 7

**A lunginsietna hauzie ang peia
ei bawsietnahai ngâidamna chu.**

—Ephesi 1:7

**Nisienlakhawm Berâmtê thisen
lei le an inhriettirna thu leiin, ama
chu an hne a nih**

—Thupuon 12:11a

**Chun inremna Pathien, berâm
Vêngtu ropuitak, ei Lalpa Isu
chu, chatuona thuthlungna thisen
zâra mithi laia inthawka ðhuoi
suok nâwktu khan, a mithmua a
lâwmzâwng ang taphawt Isu
Krista zârah keinia thawin, a dit-
zawng thaw dingin thil ðha tin-
rêng kawngah sukfamkim raw se
cheu; Isu Krista kuoma chun ro-**

**puina chatuonin um raw se. Amen
—Hebrai 13:20, 21**

**Hienghi rinumna nasataka in-
thawka suokhai kha an nih, an
puonhai Berâmtê thisena sâwpin
an sukvâr ta a. —Thupuon 7:14b**

**Amiruokchu ama chu vara a um
angin eini khawm vara um ei ni
chun, ei inpâwl tlâng a nih, chun,
a Naupa Isu thisenin ei suol popo
a mi sâwpfai pêk a nih.**

—1 Johan 1:7

**Chuongchun a thisena thiem in-
changtira ei um ta hin chu, ama lei
bawkin Pathien lungsennaa in-
thawkin sandamin um ngêi ei tih.
—Rom 5:9**

Chuonghai chun râwl inringta-kin, Berâmte that ta hi thilthawtheina dâm, hausakna dâm, warna dâm, malsâwmna dâm hmu tlâk a nih. an ta. —Thupuon 5:12

Chuongchun hnam tinin LALPA hming chu tîng an ta, hnuoia lal popohaichun i ropuina chu tî bawk an tih. . . . hnam siema la hung um ding chun LALPA chu in-pâk an tih. —Sâm 102:15, 18b

Iengkim inthuok thei taphawt chun LALPA chu inpak raw hai se. LALPA chu inpak ro. —Sâm 150:6

Nisienlakhawm inthima inthawka suoka, a var nasataka lût dinga kotu cheu thatna chu in inentir

theina dingin, nangni chu chi thlang, lal thiempuhai, hnam inthieng, Pathien mihai ngêi in ni si a. —1 Peter 2:9

LALPA Ziona um chu inpakin hla sak unla, mihai lai chun a thilthawhai chu hril ro. —Sâm 9:11

LALPA tîthuhai, ama chu inpak ro —Sâm 22:23a

Aw Pathien, mi tinin inpak raw hai se che, mi tinrênghai chun inpak raw hai se che. Hnuoi hin a pungna chu a pêk a, Pathien, eini Pathien ngei chun mal mi sâwm a tih. Pathienin mal mi sâwm a ta, kâwlkawdawnga mi popo khawmin ama tîng an tih. —Sâm 67:5-7

Chatuon hringna ka nei theina dingin iem
thawng ka ta?

35

Chun mi pakhat a kuomah a hung a, Zirtirtu chatuon hringna ka nei theina dingin thil tha ieng am thawng ka ta? a ta. . . . ieng-khawm nisien, hringnaa lût i nuom chun thupêkhai chu zâwm rawh, a ta. Chun ama chun, a kuomah, A ieng tak am? a ta. Chun Isu'n, Tuol i that ding an nawh, I uire ding an nawh; In rûk ding an nawh, I hêk ding an nawh; I nu le pa chawimawi rawh, tihai le, Nangma inhmangai angin, i vêng-hai i hmangai ding a nih, ti hi, a ta. Tlangvâl chun, a kuomah, Chuongthu popo chu ka zâwm ta a, ieng am ka la bâk a? a ta. Isu'n a

kuomah, Tha famkima um i nuom chun, fe la, i nei chu zawr la, pasiehai kuomah pe rawh; chuongchun vânah ro nei i tih; chun hung la, mi zui rawh, a ta.

—Matthai 19:16, 17b-21

Sim la, Ring la, Hmu rawh

. . . Isu a hung a; Hun chu a hung tlung tah; Pathien ram khawm a hung hnai tah; sim unla Chanchin Tha hi awi ro, a ti pei a.

—Marka 1:14b, 15

Nisienlakhawm ama lâwm taphawt chu, an kuomah Pathien nauhai ni theina ding a pêk; a hming ringtuhai chu. —Johan 1:12

Dân thu Mosie'n a pêk, lunginsietna le thutak Isu Krista leiin a hung um.
—Johan 1:17

Isu'n a kuomah, Kei hi lampui le thutak le hringna ka nih; kei-maa fe naw chu tukhawm Pa kuom an tlung ngâi nawh.
—Johan 14:6

Isu chu Krista a nih ti phattu nêka khêlhlip tûm um an ta?
—1 Johan 2:22

Kawtkhâr china chun lût ro; bohmanagna fena kawtkhâr chu a lien a, a lampui khawm a lien bawk a, chu tienga lût chu tam khawm an tam hle a nih; hringna kawtkhâr chu a chîn a, a lampui

khawm ân têp bawk a, a hmutuhai khawm tlâwmte an nih.
—Matthai 7:13, 14

Amaa chun hringna a um a; chu hringna chu mihriemhai varna a nih. . . . Chun Thu chu tisain a hung inchang a, eini lai a hung um ta a, Pa naupasal neisun ropui angin a ropuizie ei hmuh, lunginsietna le thutakin a sip. —Johan 1:4, 14

Pa chun amaah hringna a nei ang bawkin, Naupa khawm amaa hringna neiin a siem. —Johan 5:26

Kei hi vâna inthawka bei hring hung tûm chu ka nih, tukhawmin hi bei hi a fâk chun chatuonin hring zing a tih —Johan 6:51a

Krista chu sandamna dinga Thilthawtheina umsun anih 37

Krista chu kuta bâwl hmun inthieng a tak angpui a chun a lût si naw a, tuhin Pathien hmaah ei aia ngîr dingin vâna ngei a lût ta lem a; nisienlakhawm Thiempu Laltak chu kum tinin, mani thisen naw, thisen chawi puma Hmun Inthieng a lût hlak angin, ama chu mani inhlân rawp dingin a lût bawk naw a; chuongchu ni naw sien la leilung insieng tira inthawk vawi tamtak a tuor ta ding a na; nisienlakhawm tulai hun tâwpa hin inthawina ding a inhmang fâwmin suol sukbona dingin vawikhatah a hung inlang ta nghâl a nih. Chun mihriem ta dingin vawikhat thi ruot a nih, chu hnunga chun ro-

rêlna um a tih; chuongang bawkin Krista khawm mi tamtakhai suol fepui dinga vawikhat inhlâna um tain, sandamna hmu dinga ama lo nghâktuhai kuoma chun, suol ðhang lovin vawihninaah hung inlang nâwk a tih. . . . Mi dang tu kuoma khawm sandamna a um nawh; vânkhuip hnuoia mihriem hming sak lai, a mi sandam ding hming dang hrim a um nawh, a ta.

—Hebrai 9:24-28, Thilthawhai 4:12

Chun taksa sukhuma thlarau sukhum thei nawhai chu ði naw unla, hremhmuna thlarau le taksa sukbo thei ruok chu ði ro.

—Matthai 10:28

Kawlkawdawnga mihai chen sansuokna dinga Krista thilthawtheina

Chanchin Tha chu kân zapui si naw a, tukhawm a ringhai taphawt ta dinga sandamna dinga Pathien thilthawtheina a ni si a —Rom 1:16a

Tukhawm an kuoma ka pêk ding tui dâwn taphawt chu, kumkhuoin a dang châr naw nih, keiin an kuoma tui ka pêk ding chu, an sângah tuihnâr hung um a ta, cha-tuona hringna chenin in inchik dawk a tih, a ta. —Johan 4:14

Chuong a ringtuhai chu Krista Isua intlanna um lei chun, lungin-sietnaa a thlâwna thiem inchang-tirin an um a; Pathien zâidawtheinaa inhmata suolnahai hrietnaw

tehlêma a um lei khan Pathienin ama felzie inentir dingin Krista Isu chu a thisen ringna leia, suol thupha châwina dingin a ruot a.

—Rom 3:24, 25

Krista Isu misuolhai sandam dingin khawvêla hin a hung, ti hi ring a umin, pawm tlâk tak a nih —1 Timothe 1:15a

Ngâi ta u . . . hmêlma thuneina popo letthlâkna thu ka pêk cheu hi. —Luka 10:19

Chuleiin unauhai, a kona le a thlangna cheu chu sukngghet dingin taimâk insuo nâwkzuol ro; chuongchu in thaw chun iengtik khawm tlu naw ti niu. —2 Peter 1:10

*A neka man tam lem Pathien in
a pêk thei nawh*

Pathienin khawvêl a hmangai
êmêm a, chuleichun a Naupa nei-
sun chu a pêk a, ama chu tuk-
hawm a ring taphawt chu an boh-
mang nawa, chatuona hringna an
nei lemna dingin. —Johan 3:16

*Thil popo siemtu chu ei reng a
tadingin a thi tah.*

Chun Isu'n, Pa anni hi ngâidam
rawh, an thilthaw hi an hriet naw
a ni hi, a ta. . . Chun Isu râwl in-
ringtaka khêkin, Pa, i kutah ka
thlarau kân kawltir, a ta. Chun
chuchu a ti zo chun a thlarau ân
thla ta a. —Luka 23:34a, 46

A thlawna lak ding anih

Thlarau le mo chun, Hung
rawh, an ta. A hre taphawt chun,
Hung rawh, ti raw se. Dangchâr
taphawt hung raw se; a nuom tap-
hawtin hringna tui hi a thlâwnin
la raw se. —Thupuon 22:17

*Pain tlansa mohai chu A naupa
a hmangai ang charin A hma-
Ngai a—Chuneka hmangaina
ropui lem a um nawh.*

Kei anniah, nang keimaah, anni
pumkhata an um a, an famkim the-
ina dingin, nanging kei i mi tir ti le,
i mi hmangai angin anni hi i hman-
gai ti khawvêlin an hriet theina
dingin. —Johan 17:23

40 Tuhin Lalpa Isu Krista a chun in pum in inhlan ro

In suolhai inpuong un la, sim ro

Ei suolhai thupha ei chawi chun, ei suolhai ngâidam ding le, ei felnawna popo sâwpfai dingin ama chu ring a umin a fel a nih.

—1 Johan 1:9

Chuleiin in suolhai thaibo a ni theina dingin sim unla, ngha kîr nâwk ro —Thilthawhai 3:19a

Pathien naupa chu ring rawh

Hihi inhriettirna chu a nih, Pathienin chatuona hringna a mi pêk a, chu hringna chu a Naupaah a um. Tukhawm Naupa neitu chun hringna chu a nei a, tukhawm Pathien Naupa neinawtu chun hringna chu a nei nawh.

—1 Johan 5:11, 12

Tukhawm Naupa ring taphawt chun chatuona hringna an nei tah; nisienlakhawm tukhawm Naupa thu awi naw taphawt chun hringna nei naw ni hai, Pathien lung-senna an chungah a um zing lem a nih. a ta.

—Johan 3:36

Teu love a! Tu kuoma khawm an thu awi dinga an suoka in lût chun, thina khawpa suol suok amanih, felna khawpa thu awina suok amanih khawm ni sienla, a thu in i âwi suok chu in nih ti in hriet naw am a nih?

—Rom 6:16

. . . nisienlakhawm . . . Pathien kuomah inpe unla —Rom 6:13a

Pathienin t̄itna Thlarau a mi p̄êk naw a, thilthawtheina le hmangaina le lungril feltak neina thlarau a mi p̄êk lem a ni si a.

—2 Timothe 1:7

Min, Pathien ka hmangai, ti sien la, a unau theida si sien la, ama chu khêlhlip a nih; a unau a hmu zing ta hman a hmangai naw chun, Pathien a hmu ngai naw chu iengtin am hmangai thei a ta? Ama kuoma inthawkin hi thupêk hi ei nei, Tûkhawmin Pathien a hmangai chun a unau khawm a hmangai bawk ding a nih, ti hi.

—1 Johan 4:20, 21

Thlarau ra ruok chu hmangaina dâm, hlimna dâm, inremna dâm,

dawtheina dâm, ngilneina dâm, t̄hatna dâm, ringumna dâm, thuhnuoirawl̄na dâm, insûm-theina dâm a ni lem: chuongang kal zâwngin Dân thupêk hrim a um nawh.

—Galati 5:22, 23

Krista hmangainaa inthawk chu tuin am mi t̄hêng a ta? Rinumna'n amanih, lungngâina'n amanih, suknawmnatna'n amanih, t̄âmin amanih, saruokna'n amanih, t̄iumin amanih, kâwlhnâmin amanih a mi t̄he ding am a nih? . . . The love! chuong popova chun, a mi hmangaitu lei chun ropuitaka ngamtu ei nih.

—Rom 8:35, 37

Hmangaina enkawl, khaw-sawtna a umnaw

In lungril putzie chu tangka ngâinatna ðhang naw ni raw se, in thil nei sun chungahai chun lungâ-wi ro; ama ngêiin, Iengtik khawm thlathlam tawp naw ning cheng, mâk khawm mâksan naw ning che a, a ti si a. —Hebrai 13:5

Sukrimsitna aiah Inremna

Thlamuongna ka mâk pêk cheu hi; keima thlamuongna ka pêk cheu a; khawvêlin a pêk ang cheuvin ka pêk naw cheu hi. In lungril lunginzîng naw raw se, ði khawm ði naw raw se. —Johan 14:27

Tisa tieng thil dit chu thina a ni si a; Thlarau tieng thil dit ruok

chu hringna le lungmuongna a nih. —Rom 8:6

Chuleiin ringna leia thiem changa umin, ei Lalpa Isu Krista leiin Pathien le inrem in um ei tiu. —Rom 5:1

Hausakna indik, duamna umlo

Chun an kuomah, Fimkhur un-la, inhnarna suola inthawk chun invêng ro, sum hau hi mihriem damsan an nawh, a ta.

—Luka 12:15

Ka unau dittakhai, ngâi ta u, Pathienin hi khawvêl thila rim-sihai hi, ringnaa hausa ding le, ama hmangaituhai kuoma a tiem ram chu hluotu dingahai a ruot naw am a nih? —Jakob 2:5

Inhrietchiengna, fienawna umlo

Chatuona hringna in nei ti in inhriet theina dingin, nangni Pathien Naupa hming ringtuhai kuomah hieng thu hi ka ziek a nih.

—1 Johan 5:13

Thaw tum ding le thaw dinga ama lâwmna dinga nangnia sin thawtu chu Pathien a ni si a.

—Philippi 2:13

Pawrchena aiah thienghlimna

Unauhai hmangai taktak dingin thutak zâwma in thlarau in sukthieng ta leiin lungrila thahnemngaitakin inhmangai tuo ro.

—1 Peter 1:22

Sie le tha hrietna thienghlim le, ringna taktaka inthawka hung

suok hmangaina chu an nei theina dingin a nih. —1 Timothe 1:5

Lungngaina aiah Pathiena lawmna

Thlarau Thienghlim thilthawtheina zâra beiseina in hau theina dingin beiseina Pathien chun ringna leia lâwmna le inremna tinrêngin suksip cheu raw se. —Rom 15:13

Ka lâwm nangnia a um zingna ding le, in lâwm a kimna dingin hieng thu hi in kuomah ka hril hi.

—Johan 15:11

Chun tuhin nangni in lungngai a, nisienlakhawm, hmu nâwk ka ti cheuva, in lungril lâwm a tih, in lâwm chu tukhawmin lâkpêk naw ni hai cheu. —Johan 16:22

Hratnawna aiah hratna

A tâwptaka chun Lalpaa le a hrâtna thahruia chun thilthawtheina neiin um ro. —Ephesi 6:10

Chuleiin Krista Isu, Lalpa chu in lâwm ang khan amaa chun um ro; amaa zung kei le, rem sâng deudeuva umin, an inchûktir ang cheu khan, lâwmthu hrilna hauvin, in ringnaa chun nghettakin um ro. —Kolossa 2:6, 7

Beiseina umlo aiah Beiseina

Beiseina lâwmum, ei Pathien ropuitak, Sandamtu Isu Krista ropuina inlârna chu nghâk dingin a mîn chûktir a. —Tita 2:13

Pathien inkhêl ruol a ni nawna, thil danglamtheinaw pahni leiin,

eini insanhimna dinga ei hmaa beiseina um chel dinga tlânhai infuina nasatak ei nei theina dingin. Chu beiseina chu hringna thîrcha-kaiah ei nei a, ringum le nghettak a nih, puonzar sînga khawm chun a lût a. —Hebrai 6:18, 19

Hlemna aiah indikna

Chuongchun thil suksuoltuhai anga an hrilsietna cheu kawngah in thil thaw that an hmuhai leiin, fanga an um pha chun Pathien châwimâwi thei an tih.

—1 Peter 2:12

Khel aiah thudik

Chun thutak hrieng in ta, thutak chun suk zalên a ti cheu, a ta.

—Johan 8:32

Tlawmna aia hnena

Pathien a pieng taphawt chun khawvêl a ngam si a; hihi khawvêl hnea ngamna chu a nih, ei ringna hi. Isu hi Pathien Naupa a ni ti ringtu chau naw chun tânâm khawvêl a ngam hlak a?

—1 Johan 5:4, 5

Chun . . . sahrâng le a lem dâm, a hming nambar dâm, hnea hung suokhai chu Pathien tîngtang châwia, dârlhlang tuifinriet panga ngîr ka hmu bawk a.

—Thupuon 15:2

Naute lai aia inthanglienna

Chuongchun Krista thubul hril ta lovin puitling tieng pan ei tiu.

—Hebrai 6:1

Nautê pieng tharhai angin thlarau tieng nenetui hlîrhlak chu châk ro, chutakachun sandamna tling khawpa in inthang lien theina dingin.

—1 Peter 2:2

Hmangaia thu diktak hrilin iengkimah amaah inthang lien thei lem ei tih; ama chu Lu a na, Krista chu.

—Ephesi 4:15

Krista angna nei dingin

Chuleiin thinaa baptisma changin, a kuomah phûmin ei um ve a; chuongchun Pa ropuinain mithi laia inthawka Krista a keitho angkhan, eini khawm hringna thara ei um theina dingin.

—Rom 6:4

***Sungtieng hringna sukhratna
dingin***

A ropuina hauzie ang peiin, a Thlarau zârah mihriem sângiril tienga chun thil thawtheinaa suhrâta ân umtir theina ding cheu le.
—Ephesi 3:16

A mi suhrâtdua chun iengkim ka thaw thei a nih. —Philippi 4:13

Mihriem varna ah an nghatnaw

Ka tawngbau suok le ka thu hrilhai chu thuvar suongum hrim an nawa. Thlarau le thilthawtheina inhriettirin a ni lem kha.

—1 Korinth 2:4

Hrieputu nidinga thilthawtheina

Nisienlakhawm Thlarau Thienghlim chu in chungah a hung tlung

pha leh thilthawtheina la nei in tih; chuongchun Jerusalem khuoa dâm, Judai le Samari ram khaw tina dâm, kâwlkil chenin ka thu hretuhai nîng in tih, a ta.

—Thilthawhai 1:8

Chuong thu chu a hretuhai kan ni hi, Thlarau Thienghlim, Pathienin a thu zâwm taphawthai kuoma a pêk kha, a hretu a ni ve bawka, an ta, an dawn a.

—Thilthawhai 5:32

Chun tirkohai chun awiumtakin Lal Isu thonâwk thu an inhriettirhlak a, an rênga chungah lunginsietna nasatak a um a.

—Thilthawhai 4:33

Nangin anni chu khawvêla inthawka i lâk suok dinga ngên ka ni naw a, misuola inthawk chun i hum ding an nih ka ti lem a nih.

—Johan 17:15

Chuongchun Pathien thlamuon-na lungril hrimhrima hriet senglo khan, in lungril le in ngaituonahai chu Krista Isua chun vêng pêk a ti cheu.

—Philippi 4:7

Chun ama chun an kuomah, Kâwlinlep angin Setan vâna inthawka hung tla ka hmu. Ngâi ta u, rûlhai, ainuvêthai sirna thu le, hmêlma thuneina popo letthlâkna thu ka pêk cheu hi. —Luka 10:18, 19

Ka selna thu i pawm lei khan, hnuoia umhai fie dinga khawvêl

popo chung a fiena hun hung tlung dinga inthawk chun, kei khawmin humhim ka ti che. —Thupuon 3:10

Chuongchun, a hnetu taphawt le, a tâwp chena ka thil thawhai pawmtu taphawt, keiin ka Paa inthawka ka hmu ang bawk hin, chuonghai chu hnam tin chungah thu inneitir ka tih. —Thupuon 2:26

... Lalpaa le a hrâtna thahruia chun thilthawtheina neiin um ro; Deibol zâwrnahai chu in do zona dingin Pathien râlthuom famkimin inthuom ro. —Ephesi 6:10b, 11

Amiruokchu ei Lalpa le Sandamtu Isu Krista lunginsietna le hrietnaa chun hung inthang lien ro. —2 Peter 3:18a

*Ei ringna leiin, ei Pathien
tawpchin neilo chun
sukpuitling thei chau a tih*

Chun iengkim ring taka tawng-
taia in hni taphawt chu hmûng in
tih, a ta, a dawn a. —Matthai 21:22

Nangni keimaa in um zing a, ka
thu nangnia a um zing chun, in
ditdit hni ro, in ta dingin thawin
um pei a tih. —Johan 15:7

Hihi ama chung a ei huoina chu
a nih, iengkhawm a ditzâwng
anga ei hni chun amân a mi ngâi
hlak hi; chuongchun iengkhawm
ei hni taphawt a mi ngâi pêk hlak
ti ei hriet chun, a kuoma ei thil hni
chu ei hmu ta ti ei hriet a nih.

—1 Johan 5:14, 15

Hni ro, chuongchun pêkin um in
tih; zawng ro, chuongchun hmûng
in tih; kik ro, chuongchun hawng
pêk an ti cheu; tukhawm a hni tap-
hawt chun an hmu hlak; tukhawm
a zawng chun an hmu hlak a; tuk-
hawm a kik chu hawng pêkin um a
tih.

—Matthai 7:7, 8

Titakzetin, titakzetin ka hril
cheu hi, Tukhawmin a mi ring
chun thil ka thawhai hi ama
khawmin thaw vêng a tih; hieng
nêka thil ropui khawm hi la thaw
bawk a tih, Pa kuoma ka fe ding
leiin. Chun keia hmingin ieng-
khawm in hni taphawt chu, thaw
pei ka tih, Pa, Naupa leia châwi-
mâwia a um theina dingin

Nangni'n keia hmingin ieng-
khawm in mi hni chun, chuchu
thaw pei ka tih. —Johan 14:12-14

Chuleichun ka ti cheu hi, ieng-
kim tawngtaia in hni taphawt
chu, hmusain inngai unla, chu-
ongchun hmung in tih.

—Marka 11:24

LALPA a chun lawm la, chu-
ongchun i lungril ditzawngchai
chu peng a ti che. I lampui chu
LALPA chungah inngat la, ama
chu ring la, amain thaw vawng a
tih.

—Sam 37:4, 5

Dittakhai, ei lungrilin thiem-
naw a min changtir naw chun,
Pathien tieng ei huoi a nih; chu-
ongchun, a thupekhai ei zawm a,
a mithmuah thil lawmum ei thaw

hlak leiin, ei hni taphawt a
kuoma inthawkin ei hmu pei
hlak a nih. —1 Johan 3:21, 22

Chun Lalpa chun, Antam mu
malkhat ang ringna in nei chun,
hi thingtheihmi kung kuoma hin,
Hung inphawi la, tuifinrietah lo
inphun rawh, ting in ta, in thu
awi el a tih.

—Luka 17:6

Chun ka Pathien chun Krista
Isua a ropuina hauzie ang peiin,
in tlaksamna tinreng khawm
phuhruk pek a ti cheu.

—Philippi 4:19

Chun Isu'n a kuomah, I thei
chun' am ie? A ringtu ta ding
chun iengkim thaw thei a nih i
sawnnaw, a ta.

—Marka 9:23



Read booklets online or by App
www.wmp-readonline.org
728 Hmar POG

Cover photo STSci-PRC2003-11a of Helix Nebula courtesy of NASA and STSci

www.wmpress.org

10-21